

KIS Interpretimi 10

Ndihma Qeveritare - Pa Lidhje Specifike me Veprimtaritë e Shfrytëzimit

Referencat

- SNK 8 *Politikat Kontabël, Ndryshimet në Vlerësimet Kontabël dhe Gabimet*
- SNK 20 *Kontabiliteti për Grandet Qeveritare dhe Paraqitja e Informacionit Shtesë për Ndhmën Qeveritare*

Çështja

- 1 Në disa vende ndihma qeveritare për njësitë ekonomike mund të ketë si qëllim inkurajimin ose mbështetjen afatgjatë për aktivitetet e biznesit në disa rajone ose sektorë të industrisë. Kushtet për të marrë një ndihmë të tillë mund të mos jenë të lidhura në mënyrë specifike me veprimtaritë e shfrytëzimit të njësisë ekonomike. Shembuj të kësaj ndihme janë transferimet e burimeve nga qeveria tek njësitë ekonomike të cilat:
 - (a) ushtrojnë aktivitetin në një industri të veçantë;
 - (b) vazhdojnë të ushtrojnë aktivitetin në industritë e privatizuara kohët e fundit; ose
 - (c) fillojnë ose vazhdojnë të bëjnë biznesin e tyre në sektorë të pazhvilluar.
- 2 Çështja shtrohet nëse kjo ndihmë qeveritare është një ‘grand qeveritar’ brenda objektit të SNK 20 dhe, si rrjedhim, duhet të trajtohet në përputhje me këtë standard.

Konsensusi

- 3 Ndihma qeveritare për njësitë ekonomike plotëson përkufizimin e grandeve qeveritare në SNK 20, edhe nëse nuk ka kushte që lidhen në mënyrë specifike me veprimtaritë e shfrytëzimit të njësisë ekonomike, me përjashtim të kërkesës për të ushtruar aktivitetin në disa rajone ose sektorë të industrisë. Prandaj këto grande nuk do të kreditohen drejtpërdrejt në kapitalin neto.

Data e Konsensusit

Janar 1998

Data efektive

Ky Interpretim hyn në fuqi më datën 1 gusht 1998. Ndryshimet në politikat kontabël duhet të bëhen në përputhje me SNK 8.